

植物名實圖考

二十七

植物名實圖考卷之二十五

固始吳其濬著

蒙目陸應穀校刊

芳草

蘭草

芎藭

隔山香

蛇牀子

白芷

杜若

木香

澤蘭

當歸

土當歸

芍藥

牡丹

藁本

水蘇

假蘇

爵牀
附赤車使者

積雪草

桂

蘇
二圖

豆蔻
卽草果

香薷

大葉香薷

石香薷

莎草

鬱金

鬱金香

高良薑

薑黃

薄荷

大葉薄荷

菊醬

萸葉

馬蘭

薺葶

石薺葶

山薑

廉薑

荆三棱

蓬莪朮

藿香

野藿香

零陵香

白茅香

肉豆蔻

白豆蔻

補骨脂

草撥

畢澄茄

茅香花

福州香麻

元寶草

辟汗草

蘭香草

益智子

甘松香

縮砂礬

排草

三柰

小葉薄荷

芸



蘭草


蘭草本經上品詩經方秉蘭兮陸疏卽蘭香草也古人謂蘭多
曰澤蘭李時珍集諸家之說以爲一類二種極確今依其說以
有歧者爲蘭無歧者爲澤蘭宋人踵梁時以似茅之燕草爲蕙
聚訟紛紛不知草木同名甚多總以見用於人爲貴此草竟體
芬芳與澤蘭同功並用湖南俚人有受風病寒者摘葉煎服卽
愈香能去穢辛可散鬱較之麝蘭諸品爲益孰多彼一莖一花
數花者露珠一乾清香頓歇茅葉肉根都無氣味歸之羣芳以
悅目鼻

雩婁農曰夫暴得大名不祥人固有之物亦宜然蘭於農經不
爲靈藥溱洧秉蘭士女贈謔之野卉耳燕姑錫夢寵以國香聖
人猗蘭之操忠臣畹蘭之託厥後文人賦之詠之比以君子儷
以美人赫赫之名衆葵莫能景其光羣榮不能企其影矣夫盛
名之下實多冒竊孩兒菊曰馬蘭以其花紫葉歧而竊之天名
精曰蟾蜍蘭以其葉長幹疎而竊之形骸彷彿臭味參差易位
者非同華泉之取飲正座者不如床前之捫刀其竊之也庸何
傷不知何時有山間牛啖之草俗謂草蘭爲牛啖花以牛食其葉也甌東魚魴之
花徒以異馥纂此香名涪翁倡爲一花爲蘭數花爲蕙之說後

人領其新異競爲標題蝸蟾羹沸唯澤蘭一種尙容於養性採
藥之客而眞蘭之名假而不歸夫非蘭之名著而蘭之實遂湮
沒而不彰哉謂之不祥蘭亦何辭朱子詩注兩蘭瞭列楚辭辨
証曲爲疏剔一賢之論不敵舉世之紛良可悼矣當爲王者香
乃與衆草伍蘭不逢時與人何異余嘗取唐以前之述蘭者而
紀之稽侍中詩蘭葉繁陳子昂詩朱蕤冒紫莖蘭之花繁蕊
密如此今之蘭有之乎謝康樂詩清露灑蘭藻許渾詩露曉紅
蘭重今蘭葉如薤涓滴難留若謂花附之露則何灑何重蘇頌
詩御杯蘭薦葉今之蘭葉豈堪薦酒又詩人多言蘭池今之蘭

乃畏濕本草亦載蘭湯今之蘭豈能浴紫蘭紅蘭蘭之色也今
蘭紅紫乃非常品蘭橘蘭椒蘭之味也今蘭咀嚼殊無微馨抑
與蘭爭名者唯桂耳絕域徭峒價重如金中華之金粟丹黃者
豈真桂耶嗚呼造物最忌者名草猶如此人何以任昔呂大防
作辨蘭亭記云蜀有草如護紫莖黃葉謂之石蟬而楚人皆以
爲蘭蘭蟬聲近之誤宋景文益部方物畧記石蟬茗長二三尺
葉如菖蒲紫萼五出與蟬甚類宋公博物不以爲蘭然則今之
蘭其蜀之石蟬耶冒他名而自失其名石蟬有知豈肯呼牛牛
應呼馬馬應耶呂公乃著辨以爲識真蘭昔有不狂之人入狂

國者爭以不狂爲狂今以真蘭入盜蘭之叢固當以不真爲真




芎藭

芎藭本經上品左氏傳山鞠藭卽此益部方物記謂葉落時可用作羹救荒本草葉可調食煮飲今江西種之爲蔬曰藭菜廣西謂之坎菜其葉謂之江藭亦曰藭蕪李時珍謂大葉者爲江藭細葉者爲藭蕪說亦辨

雩婁農曰申叔展曰有山鞠藭乎注謂所以禦溼疏云賈逵有此言則相傳爲此說但不知若爲用之考本草芎藭主中風寒痺筋攣緩急蓋風溼相爲表裏去風卽以去溼也苗曰藭蕪爾雅翼辨證甚核然古昔草木之名軼者多矣楚詞香草注者亦

唯以本草爾雅爲據其習用如江離白芷杜衡留夷輩讀本草者皆知之而杜若已無的識若竭車胡繩則本草不載無有訂爲何物者矣太史公曰巖穴之士趨舍有時若此類埋滅而不稱悲夫夫以在山小草爲忠臣志士寄慨流連其志潔故其稱物芳謂非無知者之至幸乃或傳或不傳如此然則士不能與日月爭光而但托大賢之門冀附驥尾而致千里則漢之黨錮宋之黨人載其名而不信其人者有之矣載其名幸也不信其人豈不幸歟





隔山香 卽雞山香方言無正字

隔山香生衡山白根潤脆枝莖挺疎長葉光澤三五勻秀花如
當歸白芷竟體皆芳與風俱發湘沅香草宗生族茂箋騷注經
不能釋贍遂致遇物難名倚席不講萋萋嘉卉見賞俚醫幸乎
不幸